

Danmarkimi Kalaallit Peqqissartut Illuani ukiuni arlaqartuni nappaatertik peqqutigalugu najugaqartariaqartunut inissialiornissanik Naalakkersuisut misissuinissamik suliaqaqqullugit peqquneqarnissaannik aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Akissuteqaat

(Peqqissutsimut Naalakkersuisoq)

Aappassaaneerneqarnera

Naalakkersuisut Ilaqutariinnermut Peqqissutsimullu Ataatsimiititaliap aalajangiiffigisassatut siunnersuut pillugu sukumiisumik sulilluarsimaneranut qujapput.

Naalakkersuisut nuannaarutigalugu maluginiarpaat ataatsimiititaliap isumaqatigiillutik allanguutissatut siunnersuutaannut atortussanngortinneqarnissaannut isumaqataanera.

Ataatsimiititaliap ilaatigut nalilersuinnermini pingaartillugu nalilersimavaat Naalakkersuisunit allanguutissatut siunnersuutip siunissaq ungasinnerusoq siunnerfigalugu aaqqiissutissanik siunnerfeqarneq, pisimasoq immikkut ittoq pakkersimaarnissaanut sillimaffiginissaanullu, tassani napparsimasoq angerlarsimaffini sivirusumik qimattariaqalersimammagu piffissarlu imaannaanngitsuunera annernarsinnaaneralu pillugu.

Taamatut oqaaseqarlunga Ilaqutariinnermut Peqqissutsimullu ataatsimiititaliap innersuussutaa Naalakkersuisut isumaqataaffigalugu siunnersuut Inatsisartuni nangeqqillugu suliareqqinneqarnissaannut ingerlateqqippara.